



BOSNA I HERCEGOVINA
PARLAMENTARNA SKUPŠTINA
PREDSTAVNIČKI DOM

Komisija za ljudska prava, imigraciju, izbjeglice i azil

Broj/Број: 01/5-50-1-175-13/04

Sarajevo/Сарајево: 14.6.2004. godine

Z A P I S N I K

13. sjednice Komisije za ljudska prava, imigraciju, izbjeglice i azil, održane 9.6.2004. godine, s početkom u 9,00 sati.

Sjednici Komisije prisustvovali su:

- g. Elmir Jahić, predsjedavajući Komisije,
- g. Martin Raguž, prvi zamjenik predsjedavajućeg Komisije,
- dr. Tihomir Gligorić, drugi zamjenik predsjedavajućeg Komisije,
- g-đa Ruža Sopta, član Komisije,
- g. Munib Jusufović, član Komisije,
- g-đica Nadžida Mlaćo, član Komisije,
- g. Selim Bešlagić, član Komisije,
- g. Muhamed Altić, član Komisije,
- g-đa Marija Perkanović, član Komisije.

Od gostiju, ispred predlagača Vijeća ministara BiH, sjednici Komisije je prisustvovao g. Rasim Šećerović, stručni saradnik u Ministarstvu vanjske trgovine i ekonomskih odnosa BiH.

Za sjednicu je usvojen sljedeći:

D n e v n i r e d:

1. Usvajanje zapisnika 12. sjednice,
2. Rasprava o Prijedlogu zakona o izmjenama i dopunama Zakona o zaštiti potrošača u BiH - predlagač Vijeće ministara BiH,
3. Tekuća pitanja.

Ad. – 1. Usvajanje zapisnika 12. sjednice Komisije

Nakon usvajanja dnevnog reda, predsjedavajući Komisije Elmir Jahić predložio je raspravu i usvajanje zapisnika 12. sjednice. Nije bilo diskusije po ovoj tački.

Kako nije bilo diskusije po ovoj tački dnevnog reda, predsjedavajući Komisije predložio je usvajanje zapisnika, pa je Komisija jednoglasno usvojila zapisnik 12. sjednice Komisije.

Ad. – 2. Rasprava o Prijedlogu zakona o izmjenama i dopunama Zakona o zaštiti potrošača u BiH - predlađač Vijeće ministara BiH,

U uvodnom izlaganju za drugu tačku dnevnog reda predsjedavajući Elmir Jahić ukazao je na činjenice da je Komisija za ljudska prava, imigraciju, izbjeglice i azil Predstavničkog doma Parlamentarne skupštine BiH (u daljnjem tekstu: Komisija) primila je 13.5.2004. godine akt predsjedavajućeg Predstavničkog doma Parlamentarne skupštine Bosne i Hercegovine broj: 01-02-9-33/04, iz kojeg je vidljivo da je Kolegij Predstavničkog doma Parlamentarne skupštine Bosne i Hercegovine kao nadležnu za Prijedlog zakona o izmjenama i dopunama Zakona o zaštiti potrošača u Bosni i Hercegovini (u daljem tekstu: Zakon), predlađača Vijeća ministara Bosne i Hercegovine, odredio ovu komisiju.

Predsjedavajući Komisije je istakao da je iz navedenog akta vidljivo da je Predstavnički dom Parlamentarne skupštine Bosne i Hercegovine na 36. sjednici održanoj 11. maja 2004. godine razmatrao i usvojio zahtjev Vijeća ministara za razmatranje Zakona **po hitnom postupku** u skladu s članom 104. Poslovnika. Predsjedavajući Komisije je naveo da je Ustavno-pravna komisija Predstavničkog doma Parlamentarne skupštine BiH, aktom broj 01/1-50-26-27/04, dana 20.05.2004. godine, dala mišljenje o Zakonu i jednoglasno utvrdila da postoji valjan ustavno-pravni osnov za donošenje navedenog zakona, koji je sadržan u članu III tačka 1. b) i članu IV tačka 4. a) Ustava Bosne i Hercegovine, da je ponuđeni tekst usklađen s Ustavom Bosne i Hercegovine i smatra da se ponuđeni tekst može uputiti nadležnoj komisiji Predstavničkog doma Parlamentarne skupštine BiH u daljnju zakonodavnu proceduru. Zatim je predsjedavajući komisije predložio raspravu o Zakonu

Nakon uvodnog izlaganja predsjedavajućeg Komisije, uz prisustvo predlađača, raspravljano je o principima i članovima predloženog zakona. U raspravi su učestvovali prisutni članovi Komisije, kao i gost.

Nakon opće rasprave, Komisija je pristupila glasanju o principima predloženog Zakona i s jednim «suzdržanim» glasom i ostalim glasovima «za» podržala principe predloženog zakona.

Ujedno je konstatirano da na predloženi tekst Zakona nije bilo amandmana.

Nakon rasprave o principima Zakona, raspravljalo se o samom tekstu Zakona. Nakon toga, Komisija je pristupila glasanju o tekstu predloženog Zakona i s jednim «suzdržanim» glasom i ostalim glasovima «za» prihvatila tekst zakona, kako ga je predložilo Vijeće ministara Bosne i Hercegovine.

Komisija je zaključila da je predloženi zakon neophodno donijeti, te se upućuje Predstavničkom domu Parlamentarne skupštine Bosne i Hercegovine u daljnju proceduru usvajanja.

U smislu odredbi člana 89. Poslovnika Predstavničkog doma Parlamentarne skupštine BiH, za izvjestioca u plenarnoj fazi Komisija imenuje predsjedavajućeg Elmira Jahića.

Ad. – 3. Tekuća pitanja.

U vezi ove tačke dnevnog reda nije bilo diskusija.

Završavajući ovu tačku dnevnog reda, Komisija je završila svoju 13. sjednicu.
Sjednica je završena u 9,50 sati.

SEKRETAR KOMISIJE

dr. Zijad Hasić

PREDSJEDAVAJUĆI KOMISIJE

Elmir Jahić